

## **ჟურნალისტი მარია იახნაკი - არქიმანდრიტი ეფრემ ვატოპედელი**



### **ჟურნალისტი მარია იახნაკი - არქიმანდრიტი ეფრემ ვატოპედელი**

- მამა ეფრემ, მოგესალმებით. დიდი მადლობა, რომ დღეს ჩვენთან ერთად ბრძანდებით „პემპტუსიას“ რადიოს ეთერში. დაგვლოცეთ.

- ღმერთმა დაგლოცოთ, მარია.

- ვიცი, რომ რთული დღე გქონდათ დღეს და ჩვენც არ გასვენებთ - სულ გთხოვთ ხოლმე, რომ ჩვენ გვერდით იყოთ ასეთ მომენტებში. მაგრამ დღეს თქვენ გარდა სხვას ვერავის დავპატიჟებდით, რადგან, როგორც გადაცემის დასაწყისში ვახსენე, არაერთხელ შეხვედრიხართ უკანასკნელ წლებში საქართველოს პატრიარქს. მაგრამ იმით დავინწყით, საიდან გაიგეთ პატრიარქის შესახებ პირველად - მგონია, 2004 წელს ათონზე მისი ვიზიტის დროს. მაშინ ერთმანეთი არ გინახავთ, მაგრამ რაღაც მოხდა, რაც გულში შეინახეთ და სურვილი გაგიჩნდათ, გაგეცნოთ ეს ადამიანი.

- ასეა. ჩამობრძანდა პატრიარქი ოფიციალური ვიზიტით წმიდა მთაზე და რაღაც ისეთი მოიმოქმედა, რომ ყველაზე - იქ დამსწრეებზეც და ამ ამბის გამგონებზეც - დიდი შთაბეჭდილება მოახდინა: მონასტრების წარმომადგენლებს სთხოვა მისულიყვნენ და დაელოცათ იგი. ხოლო რადგან შეატყო, რომ მამები ვერ ბედავდნენ - სიმდაბლის

გამო, რა თქმა უნდა, და თანაც, არც ელოდნენ ასეთ რამეს – უთხრა: „პატრიარქი ვარ და ლოცვა-კურთხევას გაძლევთ დამლოცოთო. ამგვარად, თითო-თითო მამა მიდიოდა და სიმდაბლით ჯვარს სახავდა პატრიარქს... ამ ამბის გაგონებამ დიდი შთაბეჭდილება მოახდინა ჩემზე.

**- მართლაც, ასეთი რამეები ყოველდღე არ ხდება... გასაკვირი არაა, რომ ამის შემდეგ, რამდენიმე წელიწადში - თუ არ ვცდები, შვიდი წლის მერე - ჩაბრძანდით საქართველოში.**

- საქართველოს საპატრიარქომ მიმიწვია. რამდენიმე საუბარი მქონდა, შეხვედრა მონაზვნებთან, სასულიერო პირებთან, მაშინ გავიცანი პატრიარქიც. მაშინ მისი ჯანმრთელობის მდგომარეობა ძალიან კარგი იყო და გვესაუბრებოდა დიდი სიყვარულით, ძალიან ტკბილად... დიდი კრძალულებით აღასრულებდა წირვას. არ დამავინწყდება, ერთხელ წირვის მერე მითხრა: დღეს მაღალდასაჯდომელზე რომ ვიჯექი და ტაძარში შეკრებილ ათასობით ხალხს რომ ვუყურებდი (წმიდა სამების ტაძარში იყო წირვა - საქართველოს ყველაზე დიდ ეკლესიაში), ქრისტეს ვთხოვდი: ყველა ეს ადამიანი სიცოცხლის წიგნში ჩაწერეო... გამაოცა მისმა მამობრივმა მზრუნველობამ საკუთარ ერზე. ისიც იცოდეთ, რომ ერთადერთი პატრიარქი იყო, რომელსაც საყოველთაო აღიარება ჰქონდა თავის ქვეყანაში - 80-დან 90 პროცენტამდე.

**- თქვენი აზრით, რა იყო ამის მიზეზი - რის გამო უცხადებდა სიყვარულს თავის პატრიარქს მთელი ქართველი ერი?**

- თავისი ერისადმი სიყვარული. თანაც, მან კომუნიზმიც გამოიარა, ანუ კომუნისტური წყობის დროსაც იყო პატრიარქი. საუბარში უთქვამს: ვლოცულობდი, რომ წონასწორობა შემენარჩუნებინა კომუნიზმის პერიოდშიო, წონასწორობა სახელმწიფოსა და ეკლესიას შორის. ეს ძალიან მნიშვნელოვანი იყო. ყოველთვის იწვოდა საკუთარი სამშობლოსადმი ზრუნვით. მახსოვს, რუსეთში რომ წავაბრძანეთ ღმრთისმშობლის წმიდა სარტყელი, იგიც ბრძანდებოდა რუსეთის პატრიარქის მიერ მიწვეული სტუმრების რიცხვში.

**- 2011 წელს?**

- დიას, 2011 წელს. მახსოვს, სასტუმროში რომ ვწვდივით ერთ საღამოს, ასეთი რამ გვითხრა: მე რუსეთში ვისწავლე, მრავალი წელი გავატარე აქ და უცხოდ არ ვგრძნობ თავსო, მაგრამ რამდენიმე დღეა სამშობლოში არ ვარ და უკვე მენატრება, მინდა შინ დავბრუნდეთ. ასე ამბობდა და ჩანდა კიდევაც, რომ კეთილი მწყემსის ტკივილი ჰქონდა თავისი ერისადმი. დემოგრაფიული პრობლემაც ადარდებდა და ამიტომ გამოაცხადა, ვინც მესამე ბავშვს გააჩენს, მე თვითონ ვიქნები მისი ნათლიაო. ხოლო რადგან ყველას უყვარდა იგი და სურდათ, პატრიარქი მათი ბავშვის ნათლია გამხდარიყო, მესამე და მეოთხე შვილებსაც აჩენდნენ. მრავალი ათასი ბავშვი დაიბადა ასე.

**- მამაო, საქართველოში თქვენი ვიზიტების დროს - აბა, დავთვალთ: 2011, 2018, 2022 და 2025 წლებში - თქვენ მას ხვდებოდით პირადადაც, მაგრამ მაინტერესებს, მორწმუნე ქართველ ერთან ურთიერთობის დროს ჩანდა თუ არა, მისი სულიერი მოღვაწეობის ნაყოფები და ხალხის სიყვარული პატრიარქის მიმართ?**

- რა თქმა უნდა! ერთ ეპიზოდს მოვიყვან მაგალითად და საბუთად. თბილისში საქართველოს ყველაზე დიდ უნივერსიტეტში მქონდა შეხვედრა სტუდენტებთან. სხვასხვა კითხვები დამისვეს. ერთი ახალგაზრდა მეუბნება: „მამაო, საბერძნეთში რომ დაბრუნდებით და გკითხავენ საქართველოში ყველაზე ძალიან რომელი სინმიდე მოგეწონათო, რას იტყვით“? მეც მივუგე: „ბერძნები რომ მკითხავენ, რა მოგეწონა ყველაზე ძალიან საქართველოშიო, ვეტყვი, საქართველოს პატრიარქი-მეთქი!“ რა ტაშისცემა და ხმაური ატყდა დარბაზში, ვერ აგინერთ. აქედან ჩანს, პატრიარქის მიმართ დიდი სიყვარული.

**- ამ ადამიანს ერთგვარი სიტკბოება ახასიათებდა, თავაზიანობა.**

- დიას. ათონელებიც უყვარდა ძალიან და დიდ პატივს მიაგებდა. ამასაც გიამბობთ: ვიცოდი, რომ საქართველოში ინახება კონსტანტინე დიდის მიერ ნაჩუქარი ქრისტეს ორი სამსჯვალი, მაგრამ პატრიარქი ადვილად არ ხსნიდა ამ სინმიდეს. ვთხოვე პატრიარქს: გთხოვთ, სურვილი ამისრულეთ და სამსჯვალი მოგვალოცვინეთ-მეთქი. იმნუთას წაგვიყვანა, გაგვიხსნა დიდი ყუთი და მოგვალოცვინა. კეთილსურნელება ჰქონდა სამსჯვალს. რკინისაა და კეთილსურნელება ჰქონდა! მოგვიანებით, როდესაც დავსხედით, მითხრა: მამაო, ერთხელ ჩვენებაში სტალინი ვნახეო. იგი ქართველი იყო და რადგან ებრძოდა ეკლესიას, ბევრს ვლოცულობდი მისთვისო. თურმე სტალინმა მადლობა გადაუხადა: მადლობა, რომ ლოცულობთ ჩვენთვის, ძალიან გვჭირდებაო.

**- განსაკუთრებულ ეპიზოდებს აღგვიწერო...**

- კიდევ მახსოვს, გვითხრა, რომ საპატრიარქოს აივნებიდან ზაფხულში ხედავდა, რომ თბილისის გარეთ რაღაც ადგილს ნათელი ადგებოდა. რამდენჯერმე რომ ნახა, გაკვირდა და გადანყვიტა გაეგო, რა იყო იმ ადგილას. წავიდნენ, გათხარეს და ღმრთისმშობლის ხატი იპოვეს. იმ ადგილას ღმრთისმშობლის ეკლესია ააშენეს. ანუ, ამ

კაცზე ამბობენ, წმიდანიაო და ჩემთვის მართლაც წმიდანია, ნახავთ, რომ მალე მას წმიდანად შერაცხავს ეკლესია.

**- მამაო, მინდა ერთი ჩემთვის რთული კითხვა დაგისვით - უბრალო, მაგრამ ძნელი. ისეთი ბუმბერაზი სულიერი მამის, - როგორც საქართველოს პატრიარქი იყო, წასვლის შემდეგ სულიერი სიცარიელე რამენაირად შეიძლება შეივსოს?**

- მართლაც, ადამიანურად რომ ვიმსჯელოთ, ასეთი ადამიანები შეუცვლელი არიან - მას უდიდეს პატივს სცემდა არა მარტო ჩვენი მსოფლიო პატრიარქი, არამედ პაპებიც კი! ფრანცისკო, იოანე-პავლე, კენტერბერიის არქიეპისკოპოსი და სხვანი... როგორც მსოფლიო პატრიარქმა ბრძანა ალბანეთის მთავარეპისკოპოს ანასტასის დაკრძალვაზე: შეუცვლელია ანასტასიო. ადამიანურად ასეა, მაგრამ ღმერთის მადლი, ქრისტე, როგორც ეკლესიის თავი, ჩვენთანაა. ხედავთ, ეკლესიიდან წავიდნენ ოქროპირები, ბასილები, პავლე მოციქულები, სხვა მოციქულები და რამდენი კიდევ, მაგრამ ქრისტეს ეკლესია არსებობს, წარემატება და თავის საქმეს აგრძელებს. ახლაც ქრისტეს ეკლესია განაგრძობს თავის მოღვაწეობას პატრიარქ ილიას მემკვიდრის დროსაც.



**- შესაბამისად, რა თქმა უნდა, საქართველოს ეკლესიის მომავალიც ღმერთის ხელშია. თანაც, ვფიქრობ, ასეთი სულიერი მამები, როგორც საქართველოს პატრიარქი იყო, ტოვებენ სულიერ ანდერძს, რომლითაც უსახავენ შემდგომ თაობებს მოღვაწეობის გზას. ალბათ, ასეთი წინამძღოლი თავის სულიერ შვილებსაც ისე აღზრდიდა, რომ მისი საქმე განაგრძონ. ასე არ არის?**

- რა თქმა უნდა! ყველა ეპისკოპოსი მისი ხელდასხმულია. მგონია, 45 წელია ეპისკოპოსი და 40 წელი - პატრიარქი.

**- 49 წელია პატრიარქი და სამოცზე მეტე ეპისკოპოსი... თქვენ, მამაო, ნამყოფი ბრძანდებით საქართველოში და შეგიძლიათ წარმოიდგინოთ, რა ხდება და რა მოხდება ამ დღეებში იქ.**

- კვირას დაკრძალავენ.

**- უკვე ათასობით ადამიანია წმიდა სამების საკათედრო ტაძარში.**

- მართლაც, დიდი ამბავია. სულიერი მობილიზაციაა ქვეყანაში, მაგრამ, ვფიქრობ, რომ პატრიარქის მიცვალება ლოცვა-კურთხევასაც მოუტანს მის სამშობლოს. ჩვენს მოძღვარს, ბერ იოსებს რომ ვეტყვოდი: ნახვალ, დაგვტოვებ და გაგვიჭირდება-მეთქი, მომიგებდა: „შვილო, ნუ გეშინია - თუ კადნიერებას ვპოვებ ღმერთის წინაშე, უფრო მეტად მოგეხმარები იქიდანო“. ასევე იქნება პატრიარქი ილიაც - უფრო მეტად დაეხმარება იქიდან თავის სამშობლოს, თავის ქვეყანას, თავის ეკლესიას.

**- ამინ, მამაო. დიდი მადლობა, რომ დღეს დრო გამონახეთ ჩვენი გადაცემისთვისაც...**

- ეს წუთია პირველშენირულის წირვა დავასრულეთ.

**- ორმაგი ლოცვა-კურთხევაა ჩვენთვის! დიდი მადლობა და ერთი სიტყვაც დაგვიმატეთ მისი ნიჭების შესახებ.**

- ახლა მხოლოდ იმას ვიტყვი, რომ, როდესაც წირავდა, ნათელს ასხივებდა. იყო ძალიან კაცთმოყვარე, ძალიან ღმრთისმოყვარე, ძალიან ძმათმოყვარე, მუდმივად ჰქონდა მსხვერპლგაღებისა და თავგანწირვის განწყობა თითოეული ადამიანისთვის.